



Vince Irie a toca pa e hobennan na San Nicolas

Den oranan di diamars atardi Vince Ire, kende ta na Aruba pa algun show y bishita di famia, a duna e hobennan di Cuido despues di scol un mini concierto y na mes momento a splica nan un poco di su musica, di su logronan, su participacion den Voice of Holland unda el a logra yega te kwart final y e soñonan cu e tin pa futuro.

E bishita di Vince na e scol tabata un sorpresa pa e hobennan cu a keda encanta cu su presencia eyan. Vince a puntra e hobennan kico nan plannan pa futuro ta y con nan kier logra esey. Despues di e combersacion y algun splicacion di su trabou y bida na Hulanda, Vince Irie a toca algun cancion di Bob Marley, di Queen, a cumpli cu algun peticion, a rap y tambe a canta hunto cu juffrouw Bibi Brown, kende tin un bunita bos. Cu su simpatia, su carisma inigualabel y acercamento facil Vince a captura y mantene atencion di e hobennan. Na cierto momento nan tur a cuminsa canta cun'e y bati riba nan briefcase riba e ritmo di e musica. Tabata tres cuarto di ora di hopi energia positivo. Prome cu el a bay Vince a laga e hobennan cu algun bunita mensahe. "Sigui boso soñonan, sea creativo den loke boso kier logra. And, always...always choose the right path". □

